

¡BOMBA!

¡Qué pena con los atletas que atravesaron el Sena! por esa agua tan buena, ya tienen branquias y aletas



K'uintsil

Jueves 1° de agosto de 2024

CAMPECHE · YUCATÁN · QUINTANA ROO · AÑO 10 · NÚMERO 2289 · www.lajornadamaya.mx

Táan u beeta'al tu noj kaajil Romae', u ye'esajil 163 u p'éel u nu'ukulilo'ob paax meyajnaj tu k'iinilo'ob úuchben México

Juntuul ti' le b'axo'ob maas jach láayli' u kaxta'al u na'atal yóok'olal u kuxtal úuchben kaajo'obe' leti'e' paaxo'. Le beetik walkila' ts'o'ok u je'ebel u joolnajil u ye'esajil Tlapitzalli: Ritos y sonidos del México antiguo, tu kúuchil Scuderie del Quirinale, tu noj kaajil Roma, Italia. Yéetele' táan u kaxta'al u chiikbesa'al jejeláas ba'alo'ob yóok'olal le paaxo', beyxan bix u k'a'abéetkunsal ka'ach tu kuxtal u miatsilo'ob u noj lu'umil México.

Ti' tsikbal tu beetaj yéetel *La Jornada*, x-arqueología Frida Montes de Oca, tu ya'alaj yóok'olal le e'esajila', táaka'an 163 u p'éel nu'ukulo'ob, u ya'abile' úuchben paaxo'ob k'ujsa'ab tak europail lu'um.

“Yanchaj u tuukulil in beetik úuchik u wutskiinsik jayp'éel u nu'ukulilo'ob

paax, ti' tin wilaj beey jump'éel ba'al ti'al utsbili', chéen ba'axe' ma' chiika'an ti' wa je'ex uláak'o'ob in yáax ilmaj, ts'o'oke' lelo' tu ts'áaj in wóol in máan in kaxt uláak'o'ob, yéetel u ts'áak k'ajóoltbil junmúuch' meyaj ti'al u yutskiintiko'ob yéetel ti'al u xak'altiko'ob bix u yu'ubal u juum”, tu tsikbaltaj Montes de Oca.

Ichil u mola'ayil Instituto Nacional de Antropología e Historia (INAH) yaan máako'ob jach kaambanaja'ano'ob táan u kaxtik u na'atiko'ob bix u k'a'abéetkunsal paax ichil le miatsilo', ichil le kaajo', ichil ba'ax ku yoksjá oolta'al, ichil uláak' ba'alo'ob. Le beetik beey u k'aaba' le e'esajilo', tumen jump'éel *tlapitzallie'* jump'éel chan flauta ch'e'ej u juum. E'esajile' yaan u p'áatal tak 14 ti' septiembre yéetel ku tojoltik 7 euros u yokol máaki'.



Afp
Oochel Reuters